

# RESTAURANT REVITALIZATION FUND

*Grants to support restaurants and workers*

## **Fundu pa Revitaliza Restorantis** | Subusidiu pa apoia restorantis & funsionarius

Skritoriu di Dizenvolvimentu Ekunomiku, djuntu ku Skritoriu di Dizenvolvimentu di Funsionarius, lansa un Prugrama pa Revitaliza Restorantis (RRP), un prugrama pilotu di 3 mes pa oferese un reforsu, txeu nesesariu, pa restorantis enkuantu es ta rikupira di COVID-19.

### **Ditalhis di Prugrama:**

- Es fundu e pa ben djuda restorantis lokalizadu na Sidadi di Boston
- Enpresas sta ben resebe **\$5,000** pa kubri kualker dispeza relasionadu ku ses negosiu (ka mesti ser obrigatoriamenti renda o folha di pagamentu)
- Es subsidiu tanbe ta ben disponibilisa un montanti extra pa djuda manti enpregadus novus o izistentis duranti un periodu pilotu di 3 mes nun total di \$ 900 dola pa trabadjador i 100 pontus “Lokal B” pa kada mês, na fin di kel periodu pilotu di trêses mes (\$ 300 @ 3 meses = \$ 900)
- Na fin di kel periodu di tres mes, enpregadus ta kualifika pa aulas gratis pa konpleta ses grau di asociadu na BHCC, RCC o BFIT, sima kel inisiativa di Prizidenti di Kamara di Kolejiu kumunitaru gratis - Mayor's Tuition Free Community College -, o pa un prugrama di treinamentu di abilitades prufisional ku kolaborason di OWD.
- Restorantis ki ten enpregadus ku Sistema di resebe gorjeta ta kualifika pa un subusidiu extra di **\$15,000 si e:**
  - Paga kel Salariu justo “One Fair Wage” (\$12.75 pa ora) duranti un mes pa trabadjores ki ta resebe gorjeta
  - Konpleta kel prugrama di High Road Kitchens na novi mes di data ki e resebe fundus di subusidio
  - Konpleta kestionariu di Sidadi di Boston OED
  - Partidja por skritu planu di 5 anu ( ti Agostu di 2026), pa atinji igualdadi total di salariu entri trabadjores ki ta resebe i ki ka ta resebe gorjeta

## **PA APLIKA:**

*Tudu partisipantis ten ki sigi kes sigintis kriterius li pa ser konsideradu pa subusidiu:*

1. Ten ki ser un negosiu di kumida na Sidadi di Boston
2. Ten ki ten un Vendor ID – Numeru di Fornesedor validu di Sidadi di Boston
3. Menus di vinti-sinku (25) trabadjadores
4. Prova di enderesu di se enpresa/negosiu na Boston (Izenplu- Kontratu di aluger, lisensa di negosiu/lisensa/titlu/Konta di algun servisu (izenplu gas, iletrisidadi, tilifoni) na nomi di enpresa, o otu dokumentu ki ta prova enderesu)
5. Enpresa i se donu ten ki teni kontu en dia ku Sidadi di Boston
6. Ten ki apresenta kopia di Sertifikadu di Negosiu validu
7. Enpresas ku mas di dos (2) enpregadus ten ki apresenta prova di folha di pagamentu (izenplu, pagamentus resenti, stratu di Banku, prova di salarius)

Aplikasons inkompletus ka ta ser prosesadu

[\*\*Aplika li\*\*](#)